


皇元風雅

一



據中國國家圖書館藏元刻  
本影印原書版框高十七·  
二釐米寬十二·一釐米





詩之爲教存乎性情苟無得  
於斯則其道謂之幾絕可也  
皇元近時作者迭起庶幾風  
雅之遺無愧騷選然而

朝廷之制作或不盡傳於民  
間山林之高風必不俯諧於  
流俗以詠歌爲樂者固嘗病  
其不備見也清江傳說卿行  
四方得時賢詩甚多卷帙繁  
浩廬陵孫存吾略爲詮次凡  
數百篇而求予爲之題辭予  
觀其編以靜脩劉夢吉先生





為之首自我

朝觀之若劉公之高識遠志  
人品英邁卓然不可企及冠  
冕斯文固為得之前後能賦  
之賢未易枚舉偶有未及非  
逸之也去乃僕區區曹鄴之  
陋則在所不足錄云至元二  
年歲在丙子八月辛巳邵菴  
道人虞集伯生題辭





皇元風雅羣英姓氏

○卷之一

伯顏丞相 郝天挺 史紫微

盧疎齋 貫酸齋 許魯齋

張仲疇 李道復 虞伯生

張野夫 元明善 鮮于伯機

趙子昂 程雪樓 閻靜軒

○卷之二

交趾王 徐參政 劉御史

梁宣慰 何理問 張天師

吳宗師 滕玉霄 馮海粟

吳草廬 李伯宗 柳道傳

陳濟淵 馬伯庸 龍麟洲

杜竹麴

○卷之三

安竹齋 明普彥 文子方

歐陽圭齋 袁伯長 杜清碧

楊仲弘 李竹所 何吾山

劉時中 吳敬庭 李長源

楊鵬翼 陳自堂

○卷之四

劉頌溪 劉立雪 劉養吾

指曼石 羅瓘谷 孫伯善



黃南卿

湯子文

劉雲山

申為晉致遠

趙半閑

羅滄洲

張周卿

周石原

王性存

趙心遠

趙季文

胡尊生

連伯正

宋本

孫用復

黃河清

胡古愚

劉明叟

○卷之五

高若鳳

張叔賜

許獻臣

趙蒙齋

倪中宣

倪若水

范德機

孫存吾

張息堂

甘東溪

薩天錫

林彥稟

李源道

夏果齋

胡斗南

陳中山

宋梅洞

龔子敬

梁隆吉

李古淡

李誠泉

彭容庵

仇仁近

吳漢儀

○卷之六

何願貞

黃子肅

張希孟

趙茂原

楊達可

吳仁傑

鄧或之

陳敬翁

蕭南軒

陸文圭

陳魚村

易炎正

張嗣良

何太虛

陳晉齋

甘虛庭

凌虛谷

高孤雲

應居仁

姓氏畢





皇元風雅卷之一

江梅谷傳習 說卿 采宗

儒學學正 孫存吾 如山 編類

奎章學士 虞集 伯生 校選

○劉靜脩 先生名因字夢吉保定人

裕宗皇帝在青宮問其賢以贊善大夫召至京師未幾

以親老求歸養居數歲

朝廷尊仰德義拜集賢學士又以疾辭踰年遂不起  
年纔四十有五縉紳惜之

黃金臺

燕山不改色易水無新声誰知數尺臺中有万古情區  
區後世人猶愛黃金名黃金亦何物能為賢重輕德輝  
照九仞鳳鳥纏一鳴伊詐腐遺棄坐見飢蠢 聖  
東漸二老皆西行養民以致賢王業自此成黃金与山  
平不救兵縱橫落日下荒臺山水有餘清

翟節婦

兵塵浩无際烈士難自全婦人无九首志欲不二天燕  
山翟氏女既嫁夫防遂一朝聞死事健婦增慨然生有  
如此夫早寡非所憐求尸白刃中負土家山前事去哀  
益深義盡身可捐無兒欲何為所依惟黃泉鄉鄰救引  
訣烈日丹衷懸誰辨節孝翁重賦睢陽賢我昨過其鄉  
山水猶清妍聞風髮如竹飄蕭動踈煙千年吟詩臺我  
我大寧巔為招馮大師和我節婦篇

有大如天地

有大如天地日夜長乾二有小如螻蚁營二誰使然哉



亦形蹟中豈得獨安間萬物相爲用錯綜盈兩間如身  
百骸其少一爲不完有形无虛生豈予獨贅偏森然氣  
分内既有不可鑿蝮蛇誰宥之生二亦能延安有人道  
尊堙滅獨不傳乾二以爲師餘者一听天

燕平李仙臺

碣石來海際西南奄全燕中有李仙臺燕平欲昇天燕  
平骨已朽遺臺猶相傳雖復生青松歲久摧爲煙極目  
望海波不見三山巔三山巨鰲簪山人蟻雖然使无不  
足論信有亦可憐大塊如洪鑪金石能久堅天地會有  
尽何物爲神仙空山无笙鶴落日下飢鳥今古非一臺  
浩歎秋風前

登武陽

朝遊樊子館晚上武陽城潮接滄溟近山從碣石生斷  
虹雲淡白返照兩峰明日暮悲吟發樵歌已恹情

易臺

望中孤鳥入銷沉雲帶離愁結暮陰万国河山有燕趙  
百年風氣尚遼金物華暗與秋光老杯酒不隨人意深  
无限霜松動石壑天教搖落助秋吟

山家

馬蹄踏水亂明霞醉袖迎風受落花怪見溪童出門望  
鵲声先我到山家

伯顏丞相

度梅関

馬首經從庾嶺歸王師到處悉平夷擔頭不帶江南物  
只挿梅花一两枝

鞭



一節高兮一節低  
幾回敲磬月中歸  
雖然三尺無鋒刃  
百萬雄師盡指揮

○齊天挺

麻姑山

路入尋幽景便嘉  
石田瑤草帶煙霞  
注經洞古亡遺檢  
養粟垆存失舊砂  
青鳥空傳王母信  
綠鸞應到玉皇家  
岩扉不掩春長在  
老却碧桃無數花

○史紫微

江南曲

風淒露冷江南岸  
瑟二寒波秋練二  
採蓮歌斷紅雲空  
蘋葉芦花結新怨  
死鴛鴦鵝俱可伶  
相呼相倚沙背眠  
白頭漁子搖蒼烟  
一雙飛上枯樹顛

荒塚謠

昔因斷壠誰家墳  
經二无主蒿草繁  
土崩棺蝕漆灯滅  
狐狸作巢生子孫  
牧童燒火山葉赤  
花磚迸裂松行根  
牯牛作群來斫角  
折碑尽是淚土痕  
夕陽未下燐火出  
陰風刺二雲昏二  
精靈月下相往來  
嗷嗷若歎如人言  
君不言昨日城中車  
馬客又來尋地為真宅

○盧諷齋

題太白墓

太雅清風久不聞  
一盃聊為洗荒墳  
朱紘二嘆無今古  
說与江東日暮雲

婺源縣齋書事

竹樹映清曉  
坐聞山鳥鳴  
瓶花香病骨  
簷雨挾詩聲  
客亦非餘子  
春無負此生  
明朝予問俗  
吟罷却須晴

書梓山堂經室



問俗來山郭携春到竹溪花香破禪寂林樾受鶯啼欲  
和觀音偈聊乘醉墨題閑雲共出客不肯為余西

題子陵釣臺

雲山蒼二方煙木稠石灘潺二方江水流故人方是旒  
先生方羊裘使人皆先生方誰其伊周使人不先生方  
誰其巢由可仕止父速方舍聖人將焉求清風一絲方  
豈為名鉤焦黃荔丹方香火千秋岸下幾篙方榮辱之  
舟先生一笑方白雲收

貴齋

白兆山桃花岩

美人一別三千年思美人方在我前桃花染雨入白兆  
信知塵世逃神仙空山亭二伴朝暮老樹悲啼發紅霧  
為誰化作神仙區十丈風烟隔淮浦暖翠流香春自活  
手撚殘霞皆細末幾回雲外落清嘯美人天上騎丹鶴  
神遊八極柄此山流水杳然心自閑解劍長歌一壺外  
知有洞府無人間酒酣仰天呼太白眼空四海无纖物  
明月滿山招斷魂春風何處求顏色

美人篇

任風彫雪玲瓏温吳姬剪月織二昏行雲補鬢翠光滑  
鳳凰叫落空山月手摘閑愁八字分青山恨重昼不伸  
肌膿汗膩朱粉勻背人揮淚粧无痕霜刀自製石榴裙  
閉門不識諸王孫綠烟薰暖藍田玉羅帶隨風換粧束  
飛鳥銜怨過長門芳菲不忍韶華屋連環步窄玉佩響  
霓裳袖闊東風長釧鬆腕瘦竟多情辜拍搔天天亦癢  
梳香帳冷蘭灯沉落花不入芙蓉衾三山路杏銀河深  
彩鸞高訴愁人心天与美人傾國豈不知更与美人郎



夢裏梅花夢我身  
萬古千年一明月

君山行

北溟魚背幾千里  
負我大夢遊弱水  
蓬萊隔眼不盈拳  
碧落香銷吹不起  
茜裙女兒懷遠遊  
遠人不歸明月羞  
宝釵縮髻翠欲流  
風鬟十二照春秋  
女媧鍊石補天手  
手拙石開露天醜  
瓊樓玉宇亦人間  
直指示君二見否  
斯須魚去夢亦還  
白雲与我遊君山

畫龍歌

老墨糊天霹靂死  
手擘明珠換眸子  
一潛淵澤久不躍  
泥污風鬚色深紫  
虬髯老子家燕城  
怒吹九龍无餘灯  
手提百尺陰山水  
連雲塗作蒼龍形  
槎牙爪角隨風升  
逆鱗射月干戈声  
人間仰視翫且听  
参辰散落天人驚  
瀟湘浮黛娥眉輕  
太行不讓蓬萊青  
烈風倒雪犁河傾  
珊瑚蓋閣對不平  
吹來噴出東風迎  
春色万国生龍庭  
七年旱絕堯生靈  
九年滂漲舜不耕  
尔來化作霖福  
為吾

大元山海足

觀日行

丁巳春三月余之所謂宝陀山顛有石曰  
盤陀可觀之初疑其大不可量既歸宿作  
方夜半之餘詩僧曾山同賦

六龍受鞭海水熱  
夜半金烏變顏色  
天河蘸電斷鰲膊  
刁擊珊瑚碎流雪  
朔方野客隨雲閑  
乘風來遊海上山  
飛艇拖空渡香水  
地避中原雜聖几  
壯鰲九尺解霜鼓  
瘦紋巨犬自掀彝  
鷲看月下墨花鮮  
欲作新詩受龍  
人生行此丈夫国  
天具立濤欺地策  
乾坤空際落



翠幙低垂護午陰  
碧甍裏面水痕深  
爽風滅斷人間熱  
勾引清涼養道心

一簾明月所闌干  
宇宙尤宜就夜看  
飛上仙槎河漢近  
手招沆瀣海銅盤

功成不用服丹砂  
笑指雲霞摠是家  
清曉山中三尺雪  
道人神氣似梅花

○許魯齋

趙氏南莊

曉起北窓涼  
清談戢羽觴  
入簾花氣重  
落紙燕泥香  
夢裏青山好  
吟送白日長  
秋風載書籍  
相對築茅堂

和先生姚公

去二迷途莫問津  
問來還恐不知真  
因時用舍固有命  
與道卷舒還在人  
百尺竿頭愁據險  
一庵林下樂為鄰

孰輕孰重何須問  
夢想故園秋菰春

贈竇先生行二首

西山二下覓幽村  
水竹隣居擬卜君  
豈意天書下白屋  
便收行李入青雲  
功名誰自英雄立  
得失防因去就分

万里風沙渺南北  
請歸消息幾時聞

莫謝風沙老不禁  
斯民久已渴商霖  
願推往古明倫季  
用災吾君濟世心  
甫治看將交長治  
呻吟亦復化謳吟  
千年際會真難得  
好要先生著意深

偶成

万物備吾身  
二貧道未貧  
觀時見物理  
主敬得天真心  
爽星辰夜情  
新草木春自  
憐斷喪後能  
作太平民

病起

花透香風入短樞  
草抽新綠倚柴荆  
正憂多病作身累



且喜幽居見物情，花爲可觀遭天拆。草因无用得欣欣，  
世間巧拙都相半，不許區區智力爭。

謝梁安抚惠田

晚來幽興入，幽居擬即君侯置。一區令德久思親，慷慨  
佳田今許乞膏腴。太行西對千峰玉，淇水東窺萬斛珠。  
幸着此身於此老，願從樂正五人俱。

○張仲疇

送許嘗齋歸山

諸相纒纒入省闈，先生何事獨西歸。心隨道隱貧非病，  
老得身閑古亦稀。行色一杯燕市酒，春風二月楚山薇。  
到家已及蚕生日，布谷催耕隴麥肥。

○李道復

偶成

日午山中道，停驂進步難。巖侵苔徑滑，風入毳袍寒。在  
國終无補，全身尚未安。一樽茅店酒，強飲不成歡。

喜雨

誰調元氣入淋漓，枯槁回生只片時。依舊野雲无着莫，  
高天闊地任風吹。

寄東宮二首

艱苦勤勞從俯仰，周旋小試暑龍枝。翻成抱虎眠耽耽，  
鉤魚從壑漏網鳥冲天。万毒從今始灰心，未死前  
十年陪罰問。一旦決安危，自合成功去。應慙識事遲，長  
城徒自壞孤注。莫相疑，辟穀求仙者，高名百世師。

初科知貢率

百年場屋事初行，一夕文星聚帝京。豹管敢窺天下士，  
龍顏誰占日邊名。寬容極口論時事，衣被終身荷聖清。



願得真儒佐明主白頭應不負平生

金陵懷古

西風聒耳過黃芦  
万水東流草樹枯  
蟾蜍一年秋色近  
鵲橋万里客心孤  
青山故国新豐樹  
芳草王孫舊酒垆  
壯志未磨天地闊  
劍光夜二照江湖

○虞伯生

和李平章秋谷小車詩

雲餘宮草隱晴沙  
相国朝春試帝車  
班馬昼移温室樹  
鳴鳶晨展掖垣花  
攀帷每命賢俱載  
趣駕頻煩使至家  
此日龍門誰執御  
擁經正履侍金華

和周特制朝回即事

三十六竿吹鳳凰  
九重春色綉天光  
御筵微動旌旗煖  
湛露初晞草木香  
貝葉神師東渡領  
金輿馴象北浮洋

小臣職在歌功德  
拜手陳詩對日長

岡子原呈王季子

岡子原頭春色濃  
小車晨出看西風  
雨餘林潤人鳥好  
日煖沙平我馬同  
西引峯峦來座上  
東觀樓觀起天中  
詠歸莫作匆匆二  
晚倘解相逢擊壤翁

奎章閣讀進中卷

玉堂策士詔儒臣

御筆親題墨色新  
省樹坐移簷底日  
宮壺馳賜殿頭春  
虞廷制作夔龍盛  
漢代文章帝室醇  
書閣春年偏感遇  
但歌天寶播

皇仁

与趙子期遊閣雜賦

日出風生太液波  
及橋影裏彩船過  
橋頭柳色深如許



應是宮承河銀多

雨過車塵道未乾朝回隨處借花看  
墻東千樹垂楊柳  
飛絮來時近馬鞍

春寒舟二度宮城樓雪初融水未生  
行過御溝成父立  
起頭被上有啼鴛

屏風韋坐鬢髮二絳蠟搖光照暮酣  
京國多年情及改  
忽听春雨憶江南

待漏宮門听鐘開袖中進卷摠賢才  
奏名殿裏千花合  
傳詔皆前好雨來

千花拂檻柳垂絲  
登刻傳呼淑景遲  
聖主自看新進策  
侍臣簪筆立多時

文章光燄過長虹  
來者无窮往者空  
頭白眼昏心力  
盡高堂深夜燭搖紅

送伯長待制召駕之上都

日色蒼涼映赭袍  
時巡无乃

聖躬勞天運閣道長留輦星散周廬  
夜屬靈白馬  
來驥裹紫駝銀甕出蒲萄  
從官車騎多如雨  
只有賦最高

寄池州司直同知

使過池陽聞上日好懷浩蕩爲君開  
江干維楫車馬修  
亭上持盃風雨來  
中夜魚龍听語競  
明年駕鶴渡東回  
九華山色翠可食  
爲問謫仙安在哉

寄張伯雨

隱居闔道无人識  
麋鹿來依積海深  
每從雲氣得芝朮  
莫怪丹光穿樹林  
茅君自騎一虎下  
木客或與群猿吟  
知予此時正相憶  
逢余臨齋度千岑



身在東南憶西北

采石歌

采石山頭日顏色采石山下江流雪行客不過水无跡  
誰以斷魂招太白我亦不留白玉堂京華酒淺湘雲長  
新亭風雨夜來夢千載相思各斷腸

別離情

吁別離之苦公蒼梧之野春草青黃陵朝前春水生日  
暮湖羣動輕翠脩竹亭二染紅淚又聞垓下虞姬泣斗  
帳初驚楚歌出佳人閣淚棄英雄劍血不銷原草碧何  
物謂之別離情肝腸剥二如銅声不如斫其竹剪其草  
免使人主爲情老

題庐山太平宮

山上清風山下塵碧沙流水淺如春不知松外誰敲月  
驚動南華夢裏人

芦花被

僕過梁山泊有漁父以芦花爲被僕尚其  
清欲易之以紬者漁父曰君尚其清願以  
詩輸之

採得芦花不洗塵綠莎聊復藉爲褥西  
一刮夢秋无際  
夜月生香雪蒲身毛骨已隨天地老  
青綾莫爲鴛鴦妬歎乃吉中別有春

題陳此山扇五首

秋鳴无數醉秦娥却把輕風惹扇羅明月碧澄天似水  
此山雲氣動纖波  
紅旭如鉛海上來蒼二煙霧小蓬萊東風昨夜醇如酒  
吹得桃花滿樹開



送朱仁卿歸江

羨子南歸盱水上過從為我問臨川  
我家橘柚霜垂屋何處蒹葭月滿船  
應有交游怜遠道好從父老說豐年  
寒機早晚成春服一一平安報日邊

典聖宮朝退次韻袁伯長見貽

尊號於是日加上禮成告謝宗廟余東出赴齋宮  
翠蓋重三寶扇斜從官穿柳散慈鴉過宮路遠紆天步  
上壽杯深閣雨花玉貫兩虹通象錦衣成五綵鍊雲霞  
奉祠東出蓬萊道春水鳧鷖踏岸槎

別成都

我到成都繼九日駟馬橋下春水生  
渡江相送謝主意過鄉不留非我情  
鸛鷓輕筏下溪足鸚鵡小窻知客名  
幸得郵筒酒易醉下衝雨浣州城

廿五日即事呈閣老諸季士

松陰鶴立候官車風送官花著白鬚  
水影漸移簾側畔鶯言只在殿東隅  
近床擬進新琴操載筆誰題古只金園  
太液雨餘波浪動龍舟初試散魚鳧

贈星上人

潭北湘南无影樹一花吹渡海門潮  
天香蒲室定初起雲氣上衣身欲飄  
室月夜寒龍在鉢此何秋近鵲來橋  
豈无一箇印州竹与尔孤松伴寂寥

送可無上人

五公昔講時听者不起坐虛空悉銷殞  
何由見人我名字誰與安說義話已墮尚  
自无亦无更問可不可不見天雨華誰能拾餘孕

賦擬雲石



海石不為摧隕然如委雲危岑集遠思虛竇栖微  
高大華斷日落香炉分几硯永清潤文章百篇氣  
起神公囊鸞天上聞亟視恐無及化為九龍文

送兄德脩南還

老兄五月來作客八年不見頭揔白五人兄弟四人在  
忽憶中郎淚沾臆我家蜀西忠孝門无田无宅惟書存  
兄雖筑庫实父蔭弟籍餘澤承

君恩文章不如仲氏好叔氏最少今亦老五郎十歲未  
知孝嗟我胡為長遠道諸兒讀書俱不多又不力耕知  
奈何憂來每得二三友看花把酒臨風哦蜀山嗟峨婦  
未得盤二仙壠臨川側碧梧翠竹手所移應與青松各  
千尺南風吹雪河始冰只歸烏帽何榮二明年乞身向  
天子共讀父書歌太平

澧州謝家通濟橋

澧有蘭芳沅有芷相望消二隔秋水蛟龍迴夜隱波深  
虹霓乘晨駕空起千年石尉何西東天下有道津梁通  
朝祠東皇蒼雲中行人无忘懷謝公

題南野亭

門外輕塵接市橋坐中春色自幽亭雲橫北極知天近  
日轉東華竟地靈前淵魚游留客釣上林鸞轉把杯傾  
莫誇章句花无賴獨擅東南雨後青

題九歌圖

太乙神君號東皇玉質要妙含和陽生二炁始通微茫  
綿二蒸空神中央浮英上羅文天章覆肩下蒲谷与阮  
旁室无間灵无方灵來乘

清息辭

元氣昌手執藜杖色



歷劫壽命不可量少君之壽同其長  
無異體合有常出入万化終不望  
幽明發晨上搏共海天赫二真金  
芒質鍊不滅長垂光河源混二流  
湯二伯也坐視无迎將千古万古  
何堂二彼幽為厉為強梁朝狸暮  
豹方鷗張精魂熠耀志意荒招之不  
反巫无良屈生作歌沉九湘世人傳  
志罕悉詳祝融仙子調玄黃九神出  
圖百怪藏不信請視虞公章

題趙子昂馬圖

憶昔從公侍書殿天閑過自如飛電  
他逸次有吮夢人神駿誰能誇  
獨善今公騎鯨隘九州人間空復看  
驂駒惟應御氣何相逐黃竹雪深千  
万秋

張野夫

壽李秋谷

璿階曾共近清輝一旦雲鵬九万飛  
再入中書今亦有兩封上國古全稀  
霜侵吟袖趨朝去香惹官袍侍講歸  
同使斯文路壽域且休回首北山薇

元明善

寄翰苑諸公

蒼烟綠樹滿汀沙負手行吟日又斜  
江水有時窮地脉海雲何處是天涯  
生前幾醉樽中酒夢裏曾來海上樓  
惆悵懷人重回首晚風吹尽紫薇花

送湖南李直夫憲使

君去湖南我上京思君欲見又羌城  
滄波留月能歸海江鴈拖雲不到衡  
一代豪華誰遠識百年驚畏護靈名  
好來不作男兒事有水可漁山可耕

送董慎奇左丞討賊



負劬光聖意氣剛也勝局踏着儒冠古來每說世軍此  
此去不辭行路難使節再臨民志定兵鋒一卒賊心安  
書生奮力效馳逐要寫功名久遠看

題天冠山

仙翁昔往天冠山夜呵鬼神衛炉丹二成飛去杳不还  
築池丹井猶山間翻二亭子風佩環華棖鉅櫺青雲端  
思玄尋躡果安訪鶴歸月落前溪灣

跋南嶽遺碑後

朱陸靈臺天柱巍太虛宝洞綠煙扉上館赤帝朱鳥飛  
祝融宅南參為旗羲赫兩曜愁敵虧象緯冷逼嗟但迷  
四觀燕兵与素齊恒嵩泰華孰崇卑五氣順布百志熙  
流祥阜物宣后祇雨風露雷宜其私惠尔下土乃若誰  
中有異人餐赤芝夜民秋霞昼天倪衣以青雲裳白霓

風車八極驂兩螭十一峰足幽棲慈宮自朝潛光燦魄如嬰兒大丹入咽无渴飢誰其思之兵六  
神交倏忽方張旆冷然徇風渺何之太君歲晏寄予  
千秋万歲受鴻釐

皇圖景運未以不手持芙蓉朝紫微旋騰天闔此來歸  
彰灵答賜達尔垂磨崖鐫我堆華辭

鮮于伯機

望嶧山

東方巨鎮宗岱宗群仙列侍臣妾同西南崛起一萬仞  
却立不屈如爭雄何年天星下天宮墜地化作青芙蓉  
外如刻削中空同閣風玄圃遙相通我昔東遊訪青童  
群仙招我遊中峰悔不絕粒集雲松失身誤落壘網中  
如今可望不可到飛舟空羨冥飛鴻神仙可幸事



安消管二悲秋蓬吾聞嶧陽有孤桐鳳皇鳴処朝  
安得蜀為室琴獻

天子為民解慍歌南風

○趙子昂

送兵汀洲

七閩南去路崎嶇五馬承恩出帝都地氣喜聞今有雪  
民生寧似昔无襦山城酒美傾鸚鵡旅館春深听鷓鴣  
他日相思應恨二離筵不思賦驪駒

采石

天門日湧大江來午渚風生万壑哀青眼故人携酒共  
双眉今日為君開蒼崖直下蛟龍吼白浪橫空鶴鶴回  
南眺青山懷李白沙頭官渡苦相催

過岳武穆王墓

鄂王墳上草離離秋色荒涼石獸危南渡君臣輕社稷  
中原父老望旌旗英雄已死嗟何及天下中分遂不支  
莫向西湖歌此曲水光山色不勝悲

即與

春陰柳絮不能飛雨足蒲牙綠更肥政恐前時鷺鷥白  
独騎款段遶湖歸

絕句三首

庭槐風靜綠陰多睡起茶餘日影過自笑老來无復夢  
閑看行蟻上南柯  
摘子花開香四隣綠陰如染淨无塵幽齋独坐鳥声繁  
万累不干心地春

自有天地有此溪臥登百折淨无泥我家溪上无人到  
疑身在青玻璃



漫興四首

竹色雨餘碧蟬聲風際清方池食祿水中有纖鱗行浮  
沉各異態亦足悅吾情坐久不成起待得月華明  
露生夜將半溘然无所為草根虫鳴歎松梢螢度遲城  
市多應雜令人心不怡茲立亦可老已与白雲期  
昏情浩无端野望秋有曠山花眩桃李澗影瀉松竹鳴  
鶴聞九臯白駒在空谷好鳥何如來啼破林烟綠  
楫於清河流開蓬素秋喧擗班被若花委蛇順流藻天  
晴去鴈高野闊行人小故園歸有期客愁淨如掃

和子俊感秋

秋至忽十日天宇豁然清涼賤旦夕至林木發商聲良  
夜不我与慨然心自驚古人久已逝念之動中情苦心  
嬰世患只博身後名今我將无同聊復得此生

東郊

晨興理孤枋薄言東郊遊清風吹我衣入袂涼颺二幽  
花媚時節弱薄依寒流山高碧雲斂日出白煙收曠野  
得我懷欣然消我憂中流望城郭忽二佳氣浮人生亦  
已繁惠養要須周約身不願餘尚恐乏所求且當置勿  
念變化終歸休

奉隆福召命赴都過德清別業

驟暄氣候變幽園卉物凄山雲石上起春鳥雨中啼牽  
衣憐穉子幸按愧山妻苦被虛名累未得遂高栖  
雪石同子俊遊何山次韻

同是清閑客俱為放浪遊晴山依雪壯野水帶冰流風  
急松杉亂年登蒼麥收生涯頃未老吾欲覓菟裘

美不三言強得請為兼平侍父



時才治世各隱居振衣齊魯間脫屣風露繼履進  
我獨退卓然君子儒西漢有芳躅東門祖兩踈路人亦  
嗟潛哀哉二大夫伊余獨何幸乃得尾送車恨不生羽  
翰与子東南俱臨分无以贈善保千金軀

贈別交谷公二首

驅馬原溫間經時不違休昔來日在斗今去夾已秋王  
事亦裨益宴安非所求翻二長風翼一幸逝莫留誰令  
匏瓜繫自憐萬別憂

青二蕙顏花言英在中林春風一披拂胡能見幽心相  
去千餘里會合大江津從席談今古知我亦何辨此別  
雖非遠游思渺難任公其愛体素尚无金玉音

春陰

日出晨景淡散髮步中庭仰見曜二柳春風驚人情恣  
晨豈不佳誰能念陰晴人生亦良晚疲勞竟何苦万事  
可撥置舍道焉求成

出都

都邑何雄麗車馬日夕喧雞鳴趨簡省日夕不遑眠茲  
晨奉明詔馳驛東西奔雪積原野白路脩烟塵昏馬鳴  
朔風起吏士慘无声还顧望帝鄉更覓勞心覓我今无  
家客断蓬离本根願为双飞鹤奮飛入青雲

張詹事遂初亭

青山遶神京佳氣溢芳閭林亭去天尺万狀爭自獻年  
多嘉谷合春晚花自殿雕閉苗戲蝶登梁語嬌燕退食  
鳴玉珂友于此然宴鍾鼓樂清时衣冠集群彦朝市趨  
揚侯面書味方遠紛華雖在眼道勝安用戰初心



遂雅志由此見何事江湖人山林未成願

送夾谷分省陝西

憶昔長楊櫟于肘始識公堂二九尺幹落二方夫旗  
袞彌縫密能書點畫工勞謙延士類宜弟到兒童黃  
婦人望青雲有父風驅馳常扈從奏對每留中暫輟尚  
書履榮分陝右弓秦山依昏錦燕雲感飛蓬粉署趨承  
旧瀛洲秦竊同因公勸御思飛夢到江東

題商德府新登桃源春曉圖

宿雲初散青山隱落紅繽紛溪水急挑花原裏得春多  
洞口輕烟搖綠蘿二搖烟掛絕壁飛流直下三千尺  
瑶草离二浦澗阿長松落二凌空碧雞鳴犬吠自成村  
居人至老不相識瀛洲仙客知仙路點染丹青寄輕素  
何處有山如此圖移家欲向山中住

題二喬高

長江東去水涵二誰謂河廣不容刀中有喬家女兒湊  
何意師昏隨二豪龍虎相爭欲相啖鸞鳳鍛翻將安逃  
不見當時老諸葛独聘醜婦何其高

書事四首贈孫思順

溪上東風吹柳花溪頭春色淨无沙白鷗有信忘機事  
玄鳥猶知有歲華錦纜牙檣非昨夢鳳笙龍管是誰家  
令人長憶東陵子擬問田園老種瓜

天涯相遇兩相知對榻清談玉屑霏芳草漫隨愁共長  
青春不与客同歸薰風池館蛙声老落日簾櫳燕子飛  
南浦七年重到日胡山應識謝玄暉

露下碧梧秋滿天砧声不断思綿二北來風俗猶存古  
南渡衣冠不及前首宿總肥死騷裏枇杷曾泣淚







寄牧庵參政

黃雀山頭楚觀鍾喚醒華夢大從容  
歸來坐听春林雨  
不憶巖前翠万重

○閑靜軒

梅杖

揀遍西湖万玉珂春風入手重  
摩挲閑青篔簹竹能香不  
較品鳩藤奈俗何  
声破夢寒霜蒲石影隨詩瘦  
月橫波  
只知功到調羹  
不道扶持力更多

皇元風雅卷之一







